



Das Plus vom Horizont im Basler Rote-Hus!

Melodie: Was rasselt i de Strasse, etc.

1. Mer singe hüte z'Obe
E gar e schönes Lied
Mir wänn nit Alles lobe
Was dert im Rothus blüet.
Het aine no Respekt gha,
Dä triebe mir em us.
Mer singe „s'Plus vom Horizont“
Vom Basler Rote Hus.
2. Es sitzt im rote Palais
En ehrewärte Ma,
Dä fangt mit jedem G'wärbli
Us Prinzip Händel a,
Und streike d'Typographe,
Mien d'Maittli au uf d'Stross;
Denn mit däm „Plus vom Horizont“
Jongliert er ganz famos.
3. Kuum isch dä Schreckschuss dusse,
Längt jede an sy Kopf
Und tuet sich still befroge
Isch er, — bisch du e Tropf?
Was will denn dä verschängge
Was er no nie het gha,
Me weiss bis jetzt im Rote Hus
Vo kaim, wo das tuet ha.
4. Kunsch du emol nur b'suechswys
In Hof vom Rote Hus,
So luegt zu jedem Fänster
E dicke Abwart us.
Es trifft uf die Beamte
Bald Stick für Stick e Ma,
S'isch nur, dass s'Pluss vom Horizont
Nit g'stohle werde ka.
5. Im Pensionat vom Innere,
Dert wohnt e bärtige Ma,
Het friener maistens Kenntnis
Vom Jass-Reglement nur gha.
Jetzt weiss er ziemlich Alles
Und schimpft e jede dumm.
Er het firs Plus vom Horizont
E Privilegium.
6. Dert uf der Stirverwaltung
Hets Type allerhand
Und jederma wird dänke,
Stammt all's vom Schwyzerland.
Doch tuesch di rächt befroge,
Kasch d'Antwort gli biko.
Nur wägem Plus vom Horizont
Isch e Tiroler do.
7. In strängster Pflichterfillig
Sitzt d'Prüefigskommission,
Verdruckt e Metzelässe,
Gnuog Wy derzue als Lohn.
Es nimmt aim numme Wunder
Wohär kunnt au das Gift,
Denn s'trinkt für's Plus vom Horizont
Nur Milch der Kommunist.
8. E g'schrubte Herr Inspäkter
Wo z'Rieche wohne duet,
Vermietet dert vier Zimmer
Und loht sich zahle guet.
Fir 28 Hundert,
Kasch du die Wohnig ha.
Do bruchsch zum Plus vom Horizont
Kai Stärnegucker z'ha.
9. Es liest der Präses Höckli
Sie Atrittspredig ab,
Wo d'Lit scho vor 3 Tage
Hänn gha im Obeblatt.
Was zahlt me denn e Taggeld?
Me git 10 Rappe us
Und spart am Plus vom Horizont
Im Basler Rote Hus.
10. E neii Filiale
Macht s'Kontrobureau uf
S'isch z'Efrige in Bade,
Am Hus stoht „Ochse“ druf.
Doch het das kai Beziehig
Mit siner Tätigkeit,
Sy hän nur s'Plus vom Horizont
Tailwys ins Badisch trait.
11. Es sait der R.-R. Mieschler
Im Grosse Rot e Wort,
Der Bummi goht go klage
Das g'her nit an dä Ort.
Und während där Affaire
Hets witer hinde klepft.
Als B'wis fürs Plus vom Horizont
Verhaue sich zwai d'Köpf.
12. Zum Schluss none Ermahnig
An dä wo d'Sach goht a:
Es sott nit dāwäg schrybe,
Wär sälber nit viel ka.
Und goht denn s'Probejöhrl
Mit Dank und Abschied z'End,
So stoht zum Plus vom Horizont
Dir frei der Firmament!